

vino, cum secundum rationabilem consuetudinem Ecclesie generalis plus in ipso sit de vino, quam de aqua ponendum. Ideoque Fraternitati tue per apostolica scripta mandamus, quatenus id nec de cetero facias, nec in tua provincia fieri patiaris. Datum Laterani Idib. Decembris, Pontificatus nostri Anno Quinto.

200.

1220 d. 29 Dec.

Lateran.

Påfv. HONORIUS III. till Konung JOHAN, om Cardinalen GREGORII ankomst och mottagande, hvilken på Konungens begäran blifvit skickad såsom Legat till Sverige.

F. 1: 59. An. 5. Ep. 309.

Honorius III. instante Svetiæ Rege ad eum mittit Legatum apostolicum Gregorium de Crescentio Diaconus Cardinalis.

Honorius &c. Carissimo in Christo filio Regi Svetiæ Illustri Salutem &c.

Ecce iuxta precum tuarum instantiam, et promissionem nostram missimus ad te dilectum filium nostrum Gregorium de Crescentio Sancti Theodori Diaconum Cardinalem apostolice Sedis Legatum virum utique prudentia, et honestate conspicuum, et Nobis inter alios fratres nostros suis exigentibus meritis specialiter carum concessio sibi plene Legationis officio per omnes terras, que tue jurisdictionis existunt, ut extirpet nociva, et plantet salubria, prout queque secundum datam sibi a Deo prudentiam viderit facienda. Rogamus igitur Regiam Celsitudinem, quatenus ipsum, immo verius Nos in ipso recipias ylariter, et honorifice tractes, ac a subditis tuis ei facias dignam honorificentiam exhiberi, ut devotio, quam te ad apostolicam Sedem habere confidimus clareat in effectu, et Nos, et fratres nostri per hoc merito in tua caritate crescamus, idemque Legatus, qui per se ac suos qui magnum locum in Vrbe obtinere noscuntur, grata tibi poterit vicissitudine respondere ad tuam dilectionem perpetuis temporibus obligetur. Datum Laterani IV. Kal. Januar. Pontificatus nostri Anno Quinto.